

國立北京大學研究
院文史叢刊第一種

崇禎存實疏鈔

卷六下

THE
LAW
OF
THE
STATE
OF
NEW
YORK
IN
RELATION
TO
THE
PRACTICE
OF
THE
COURTS



戶部等衙門尚書等官臣畢自嚴等謹

題爲遵

旨回奏事雲南清吏司案呈崇禎伍年拾月初捌日奉本部送
戶科鈔出該本部題前事聞具舊太倉等倉節年扣過米
數緣繇拾月初陸日奉

聖旨前楊一鵬奏稱缺額存糧每歲當有拾萬餘石如何本內
數年以來止共扣貳萬陸千有奇著總理會同部科通將京
通各倉實在米數盤察具奏欽此欽遵鈔出到部送司拾月
拾陸日又奉本部送准總理戶工兩部錢糧太監張彝憲
手本同前事內稱京通各倉實在數糧奉

旨會同盤察原爲缺額存糧似應將肆年收貯之米并以前存
積之糧總計扣存及正火耗米數目盤察或於伍年新收

之整敷糧無涉乎如新糧有收并於未放完舊糧敷內亦應通行盤察新舊之米應否逐敷盡盤而與所需糧斛抱籌盤米過敷抗脚人夫等項并今冬今日短天寒均宜作何斟酌合當移會部倉科公同議妥題

請遵行等因奉批雲南司察確回咨拾月拾捌日又奉本部送准戶科右給事中傅朝佑手本同前事內稱即便移會倉場衙門作何斟酌等因奉批雲南司察議拾月拾玖日又奉本部送准總督倉場尚書錢春谷同前事內稱京通倉糧奉

旨會同盤察蓋緣戶部回

奏扣米數目而欽奉也就中之應否新舊盡盤及文內所謂糧斛抱籌盤米過敷抗脚人夫等項此外更有鋪敷席片

等用所費不貲相應逐項斟酌固也抑兵部謂兵額不足宜米數有餘如此其多今扣米但實支中偶有事故零星扣存如此其少况倉米總收零放通算一實在未嘗分出各項名色卽所扣亦只虛數耳何從盤出又本部催償之外一應支發俱無與焉此等處不會計停妥申說分明後來何以仰答

明旨而各自盡其職掌乎等因奉批雲南司察行通送到司該本司前任郎中潘永圖隨卽呈堂移咨督部及劄京通貳聽會同各倉確議速報去後拾壹月拾伍日奉本部送據管理京糧廳主事周天祚呈稱准舊太等陸倉員外郎石應崑等於本月拾壹日爲會議盤厥事體以候裁酌舉行事等因奉批先察見在倉厥米數若干造冊速報內將新

糧除開另作一項再將應用腳價席片葦把一總銷算共
用銀兩若干以便題

請動用奉此隨卽呈堂劄行該廳察確冊報去後今於崇禎陸
年正月初米日奉本部送據該廳主事周天祚呈稱前次
所議但泛就一敷論而未槩全倉之數亦雜舉各項所需
而計未合一倉之總費算也今分別新舊臚列衛分細開
糧數清算銀兩總撤相符畫一可舉再陳數款以候題覆
等因奉批雲南司察冊磨算具疏題覆仍會同戶科奉此
察得舊太倉羽林前等拾壹衛倉見在新舊糧粟正耗災
遼平斛米共陸拾伍萬柒千叁百柒拾玖石叁斗陸升零
計用腳價并抱籌擡斛打捲買席通共該銀肆千柒拾壹
兩貳錢肆分陸釐零海運新太倉見在新舊糧粟正耗災

遼平斛米米拾柒萬肆千玖百零玖石伍升計用脚價并
抱籌擡斛打捲買席通共該銀肆千柒百壹拾陸兩柒錢
壹分柒釐零南新濟陽倉見在新舊稷粟正耗尖遼平斛
米共肆拾捌萬玖百肆石捌斗壹升貳合零計用脚價并
抱籌擡斛打捲買席通共該銀貳千捌百伍拾伍兩貳分
玖釐零北新大軍倉見在新舊稷粟正耗尖遼平斛米肆
拾貳萬叁百柒石肆斗陸升零計用脚價并抱籌擡斛打
捲買席通共該銀貳千肆百陸拾肆兩玖錢壹分陸釐零
西新叁倉見在新舊稷粟正耗尖遼并掃積共米貳拾陸
萬柒千貳百捌拾陸石陸斗捌升零計用脚價併抱籌擡
斛打捲買席通共該銀壹千陸百玖兩陸錢貳分貳釐零
祿米倉彭城府軍貳衛倉見在新舊稷粟正耗尖遼米捌

萬叁千叁百米拾叁石肆斗陸升零計用脚價并抱籌擡斛打捲買席通共該銀肆百陸拾伍兩米錢玖分伍釐零通州中南倉見在新舊稷粟正耗尖遼平斛米肆拾叁萬壹千伍百玖拾叁石玖斗玖升零計用脚價貳千玖百肆拾壹兩米錢叁釐零通州西倉見在稷粟正耗尖遼平斛米陸拾壹萬陸千捌百捌拾玖石柒斗肆升玖合零計用脚價席草抱籌打捲共銀肆千貳百肆兩陸錢捌分陸釐零察算無異相應具覆案呈到部該臣等會同戶科都給事中許世蓋看得

皇上注念軍儲留心節省將盡舉倉庾而清覈之臣等敢不仰體宸謨殫力畢智以襄茲役顧臣等再四思維百凡諮諏竊念以數百萬之倉糧徹底盤察計時量力事體何如重大若非

澄源清委慎始圖終其何以仰副

皇上釐剔維新至意乃集各倉條議參以臣等愚見大約盤廠之法從未試行臣等以事理揣之若盤出露地復盤歸他廠不惟轉折費時亦且風雨可慮不若出此廠卽入彼廠之爲直捷也大都一倉日覓抗夫陸百名可盤米陸千餘石其脚價一以糧數之多寡爲定蓋倉廠貯米之法用席打捲漸而充棟勢若登樓如全廠正丈耗米共壹萬叁千叁百柒拾玖石貳斗捌升每人抗伍斗壹袋上半日履平而易每袋用錢壹文下半日步高而難每袋用錢貳文通計壹石用錢叁文若原係肆伍千之零廠無復登高之苦又止每石貳文矣至廠中鋪圍打捲作囤必須席片京倉有楞木松板墊底每糧壹萬貳千石用席玖百領通倉惟

藉席葦以防氾濕每糧壹萬貳千石用席壹千壹百領葦
把叁拾伍捆計時值席價每領銀貳分葦價每捆銀肆分
其僱人抱籌抬斛打捲炤收糧議單例每石用銀柒毫如
京陸倉共糧貳百陸拾捌萬肆千壹百陸拾石捌斗叁升
零合用腳價等銀壹萬陸千壹百捌拾叁兩叁錢貳分捌
釐零通貳倉共糧壹百肆萬捌千肆百捌拾叁石柒斗肆
升零合用腳價等銀柒千壹百肆拾陸兩叁錢玖分零以
上京通捌倉共新舊糧叁百柒拾叁萬貳千陸百肆拾肆
石伍斗捌升零通共腳價等銀貳萬叁千叁百貳拾玖兩
柒錢壹分捌釐零方今

國用匱乏庚癸頻呼而新舊兩餉日若不敷熟思審處計不
得不取給於輕齎此其經費之大較也乃各倉糧數不下

數百萬而總理督倉及戶科各官又必眼同公盤而後可
以取信通計窮日之力所盤幾何儻待此倉終事纔及彼
倉動輒經年報竣何日若同時俱舉各倉分委又與會同
盤驗之

旨有悖且臣自嚴計務紛紜昕夕竭蹶勢必不能分身以應卽
在右侍郎各有專職似難兼營全賴總督倉臣及戶科題
委風力科臣壹員俱令會同總理或分頭掣驗或共爲稽
核總期於協力和衷無隱無漏以仰副

皇上任使可耳抑臣等猶有說焉

明旨所爲屢屢盤察者原以兵部侍郎楊一鵬所奏缺額存糧
與臣部所報臨倉扣除糧石數目多寡懸殊也夫營衛缺
額存糧與事故扣存月糧旣判然爲兩事乃缺額所存業

已加之選壯而事故扣存卽爲各倉實在則與舊管新收
同一支放原非有別立款項另儲倉廩者也就目前所盤
者祇能於各倉現在之數按冊而稽之少則爲額中之虧
縮多則爲額外之盈餘而必不能於此外別求所謂扣存
者此理勢之必然也再察各倉節年

奏繳祇開正米不入耗夫蓋耗米以備鼠耗虧折其法以叁
年遞減後方開入新收夫米例有運官漂患免夫抵算正
數故耗夫貳項臨收難作實在不敢遽入
奏繳必待臨放開出作正支銷今旣奉

旨通盤則耗夫均係在倉自應與正米合算無疑矣至於漕事
殷繁中州東省新運轉盼可至卽以海運新太貳倉糧數
計之業捌拾玖萬零度非費伍閱月工夫盤察不可將新

舊同日而營既苦畫方畫圓之難若新舊相違而待不勝曠日廢事之懼臣等竭力圖維智能俱索或持新舊之議奉

旨盤察原爲缺額存糧似應盤肆年收貯之米并以前存積之糧而伍年新收整敷之糧可以無盤則京倉舊糧共捌拾壹萬壹千壹百貳拾肆石陸斗零止用腳價等銀肆千捌百貳拾貳兩貳錢柒分柒釐零通倉舊糧共肆拾陸萬壹千肆百貳石玖斗壹升零止用腳價等銀叁千壹百肆拾肆兩捌錢叁分叁釐零其於時力差爲簡易若以爲新舊合算始副通盤之

旨則或議於支放之中而寓盤察之法亦屬可行蓋京通各倉每月放糧大約貳拾陸萬有奇臣部調劑多寡分坐各倉

例也今勢窮則變與其分盤放爲兩途而成礙何如并盤
放爲一事以相通則卽以壹月應放之糧全坐壹倉屆期
總理會同各官加意稽察出數旣多則表裏易見而壹倉
之事可計日而竣矣每月放完之後卽具有無贏餘短少
數目據實題報其餘各倉俱炤此例而行於支放之中修
盤驗之事似亦可竝行而不悖者如是則前項抗脚席片
等價稍省錙銖亦且不勞餘力次第報竣其於省時節費
或未必無小補也敢因回
奏而併及之統候

聖明裁答施行

崇禎陸年正月拾捌日

貳拾壹日奉

聖旨盤驗倉糧正欲徹底詳明又須立法簡捷不可曠時多費
還著會同總理確議規則來說

飭吏部知道

聖旨諭下... 欽此

上供... 欽此

... 欽此

... 欽此

戶部廣西司署司事江西司郎中臣李公門謹

奏爲遵

旨回話乞

恩認罪仰懇

鑒宥事崇禎陸年正月初陸日奉本部送戶科鈔出巡視光祿寺戶科等衙門給事中等官吳南顥等題爲察叅拖欠申飭考成懇祈

聖明勅下部寺盡法嚴行以無匱

上供事內題叅崇禎肆年分各省直司府州縣拖欠雜糧廚料牲口等銀肆萬陸千叁百壹拾捌兩零在京戶工貳部太倉年例免發昌平永平牲口果品錢鈔張家灣宣課司麴價小油紅銀兩緣繇本年正月初貳日奉

聖旨據察叅該寺錢糧新欠至肆萬陸千有奇併積逋屢催不
應該管各官貌泄殊甚都著詳察職名炤例降罰住俸仍停
其陞考勒限完解又湖廣通省全欠陝西不闕府州縣細數
是何情弊著該撫按自行回奏至戶工貳部應解錢糧亦歷
年拖欠玩視上供自該部始何以考成外吏著該司官回將
話來該衙門知道欽此欽遵鈔出到部送司該臣跪誦

天語不勝戰慄切炤微臣原係本部江西司郎中因廣西司郎
中林鐘於崇禎伍年拾壹月內陞任初委該司主事胡其
偉接署繼因其偉奉有外差於拾貳月拾玖日

陞辭該司之員蒙臣堂官畢自嚴委臣暫攝司事時當歲暮僅
止旬日凡一應攢造

奏繳磨對

御覽百務空億諸事蠅集未能彙竣原擬歲首次第舉行適奉前旨除咨行各該省直詳察職名俟至日炤例察覆并湖廣全欠陝西不開府州縣細數未完錢糧勒限本年肆月內完解俱於科鈔到日呈堂咨行各該撫按一體欽遵并工部所欠銀兩聽其自行回

奏外惟是臣司拖欠光祿寺果品錢鈔銀兩相應逐一察明從實回話察得張家灣宣課司麴價每年額徵銀肆千肆百兩該司解部劄發光祿寺交納除崇禎貳年以前逋欠銀兩因灣城被虜蹂躪居民慘戮該臣堂官畢自嚴於崇禎叁年伍月內題奉

欽依悉行蠲免訖其崇禎叁年分麴價銀兩除完過壹千柒百壹拾兩伍錢陸分外其未完銀貳千陸百捌拾玖兩肆錢

肆分因該年逆虜於伍月內出口城門始開商賈輸納不前亦經題奉

欽依准從寬政在案實欠崇禎肆年分麩價銀貳千陸百柒拾伍兩肆錢肆分節經行文該司催解未完今奉

明旨漂切隨行文經管宣課司刻期另行完解外至於臣司所轄太倉所欠該寺年例果品及協濟錢鈔銀兩察得崇禎肆年捌月內該先任郎中林鍾呈堂具題割發天啓柒年併崇禎元貳兩年果品銀共貳千叁百柒拾叁兩伍錢叁分柒釐又先發崇禎貳年內錢鈔銀叁千兩通割太倉銀庫屢催給發去後祇因外解缺乏邊餉告急庫臣那湊不前迄今尚未給發實非臣司之緩視也今奉

明旨又復呈堂亟催前項已割未發銀伍千叁百柒拾叁兩伍

錢零再發崇禎叁肆兩年果品銀壹千伍百捌拾貳兩叁錢伍分捌釐又發崇禎叁肆兩年內協濟錢鈔銀貳千兩連前通共銀捌千玖百伍拾伍兩捌錢玖分伍釐於本月拾陸日充給該寺差官朱國棟張應宿領回取有實收存案訖餘欠銀兩值今庫藏如洗萬難一時湊足稍俟外解至日竭力補完無敢毫釐虧額良以臣司所欠光祿寺銀委係

王食急需自當按期完解第苦年來

國計空匱庚癸頻仍遂多那東補西捉襟露肘實非敢有玩視以取罪譴也茲奉

天語詰責除臣席橐待罪外相應據實回話伏乞

皇上軫念時艱計詘更憐微臣署事甫止旬日且奉

命之後已發過銀捌千玖百有零更祈弘沛

雨露之恩俯寬斧鉞之誅俾自今以往容臣與新任諸臣懲前
毖後按季催發不敢再有虧延也

崇禎陸年正月拾柒日

貳拾壹日奉

聖旨上供錢糧積年拖欠及奉察詰輒以邊餉那補爲辭顯屬
濶着支節李公門旣受事未久姑且不究歷年該管司官著
該部察明具奏張灣三年分欠價原欠數這本說題奉從
寬何故異同協濟錢鈔銀歷來欠數甚多如何止以千數塞
責併舊欠牲口等銀今應作何完給通着該部奏明

禮部右侍郎協理詹事府事臣林鈺謹

奏爲

聖恩疊被如

天臣病仰承無地謹瀝血再申前

請懇祈

矜憐允放以無誤官守事臣於去年拾壹月拾捌日因病具疏
乞身奉

聖旨林鈺學行素優館士方資模範著卽出供職不必陳請該
部知道欽此隨具香案扶掖叩頭謝

恩外臣病中感激思欲速痊以遵

明旨時藥攻火炙治之太急不覺元氣損傷矣拾貳月貳拾日

奉有掌院之

命臣益勉勵以圖報稱卽欲見

朝謝

恩而試之跪拜兩脚筋痛起止拘攣是以未敢遽覲
天顏恐其隕越獲戾也恭遇

聖節

元旦謹於私寓安排香案望

闕扶掖叩頭然竟跼躄不能自安欲具疏再懇特值

禁封不敢以病之一字瑣瀆

天聽今臣病在筋骨日夜痛楚求愈難期而掌院印務又久虛
不得伏思自有官守以來豈有經月不能見

朝謝

恩而可受篆理事者乎又豈有不堪理事而尤冒昧竊祿者乎

此臣萬不獲已而再哀求於

君父之前者也伏乞

皇上鑒臣真病苦情

賜臣回籍調理庶公務無曠而臣厚微
覆載生成之德於無涯矣

崇禎陸年正月拾捌日

貳拾壹日奉

聖旨掌院教習正資端品林針者遵旨卽出供職不得頻請該
部知道

臣等謹將所擬事宜開列於左

一、擬請將各省督撫

臣等謹將所擬事宜開列於左

一、擬請將各省督撫

臣等謹將所擬事宜開列於左

一、擬請將各省督撫

臣等謹將所擬事宜開列於左

一、擬請將各省督撫

一、擬請將各省督撫

臣等謹將所擬事宜開列於左

山西道試御史臣王一鶚謹

題爲春陽已布解澤宜敷敬陳安民體臣之要以順

天道以廣

皇仁事在陸年外吏質迂效渺蒙

恩拔置臺班清夜思竭涓埃仰酬

高厚數月以來伏見

皇上敬

天愛民出於誠至蠲復優免停止事例老穉扶杖加額願觀

德化然而熙寧未臻乖沴未弭近讀禮部災異彙報壹疏風霾

地震赤旱洪流層見疊出而且三冬無雪春深乃現寒燠

易形陰陽凌節此其徵矣臣竊謂

天心仁愛

帝德欽崇當此陽和布令必有一番

大政事

大德澤足以調燮元氣搏挽災祥鼓盪天下於春臺之域新
進小臣不敢侈談泛引請就安民體臣貳事爲

皇上切陳之臣謹按月今日孟冬行春令則凍閉不密地氣發
洩民多流亡夫民之流亡繇於貧困貧困之故在重斂而
無與恤也今水旱所在寇盜接踵閭里耕作不暇有司迫
於

功令新徵舊逋追呼趾錯致令小民喪其樂生之心僣者填壑
悍者揭竿近如閩之莆田以嚴賦逐其令此等景象恐所
憂不獨東西貳寇也古者國當陽月有蠲租之令有賑窮
之令其在今日卽無望議蠲議賑而民爲邦本本固邦寧

臣謂宜

明詔戶部約天下省直處所酌其錢糧多寡若何款項緩急若何催徵難易若何歲穀豐荒若何次第參等分別考成略畱餘步爲守令撫循之藉其有災盜重被額賦難供則當體

皇上所軫恤准揚賑救山陝者推廣行之與其屢呼不應官府受催科之名曷若酌量蠲免

朝廷存懷保之實庶幾獲薪可載哀鴻可集釜魚可生乎又臣考諸洪範五行傳曰刑罰妄加如羣不附則陽氣勝其罰恒賜夫所謂妄加者非必盡無罪之人也或疑輕而反以重或因過而誤爲故失人所傷倍於失出先王明慎用刑而不畱獄誠重之也

皇上仁明欽恤千古無兩然比年

詔繫者數見矣諸臣情罪本末自有司刑迺讞議再上而未蒙
俞旨此在

皇上慎於用法初無苛求但恐

聖怒所加法司執持不力奉行或過輕重出入之間所損

皇仁不小亢賜過中象必爲鬱此臺臣郭必昌梁士濟所爲累

牘踵

請也目今履端叶吉草木禽鳥竝若咸熙而簪笏侍從之臣猶
囚首圜牆不獲偕飛走庶類共適

光天妻子環泣道路酸心或亦動

皇上深憫乎願

明詔問刑衙門及時平讞輕重如情應矜豁者卽與矜豁應歸

結者卽與歸結其有事雖重大情實可原通國共惜者尤望

皇上平心博觀

特恩矜赦

養惇大之休

釋株連之累蓋所以導陽和疏陰滯順

天心善人事義備諸此夫是貳者安民也體臣也固

皇上素所加意亦閣部諸大臣所當匡順恐後者也古人恥其

君不及堯舜今諸大臣躬逢

堯舜

皇上有仁民之仁大臣當輔以仁民之術

皇上有好生之德大臣當廣以好生之量司讞者以平反爲守

崇禎不實正金
法探計者以根本爲厚圖贊襄

密勿者以積誠爲格心之本正誼爲淑世之方以開心布公集
思廣益爲尊

主庇民之要夫然

明良泰而

天地叶政事和而瘥札消清明吉祥之報自茲歲正月始詩曰宜
民宜人受祿于

天又曰俾爾戩穀罄無不宜臣且爲

皇上歌

天保誦嘉樂矣

崇禎陸年正月拾捌日

貳拾壹日奉

聖旨恤民體臣素切朕念其守令撫循全在潔已清耗何得但
恃蠲賑至繫臣情罪及明允速獻已有屢旨了該部知道

仁以蘇州府

政明事本理何險山東清是司者其本清則平治成是成
則日奉本財足戶計沙出而示計小造天監其新史人佩
唯是前事條減理五子可為味君身得站事宜計容滿少
地為許子孫茲本平檢或身收必伍日本

聖旨其有法其奏款九款邊擊出外等主司法理定體應
賢其以之念應古量亦而山裁其進士能古漢漢成武軍
機兵部總兵部總兵部所屬各官宜以謂之清和表志其
款圖沙可一舉其除除其後及更其主其理其理其理其理

崇禎元年

二月

三月

四月

五月

六月

七月

八月

九月

十月

戶部尚書臣畢自嚴等謹

題爲兩邑之利病關切參輔之安危目覩最真敬伸末議以
廣

皇仁以蘇衝疲以固

畿甸事專理新餉山東清吏司業呈崇禎伍年拾貳月貳拾
捌日奉本部送戶科鈔出南京浙江道試監察御史左佩
玆題前事條議邢臺沙河貳縣召買驛站事宜并察蠲沙
地錢糧等緣繇本年拾貳月貳拾伍日奉

聖旨該部看議具奏欽此欽遵鈔出到部送司除邢臺縣龍岡
驛裁減工食應否量添西山裁汰巡司應否復設貳款事
隸兵部聽該部議覆外所議召買量改折色俾納本色并
察蠲沙河一帶錢糧相應議覆案呈到部該臣等看得北

直之苦於召買極矣先是臣部於肆年肆月終因旱陳言條上拾事內壹款議將新餉錢糧量收本色以抵召買奉有召買量收本色卽如議飭行之

旨通行在案既而督餉御史吳煥題爲召買米豆責成官買官解一疏臣部於肆年拾月內覆奉

欽依亦通行在案臣等方謂繼此

畿南召買庶幾有瘳乎今南臺臣左佩珰曾經身歷邢沙貳縣目擊召買之艱議將每年應解米豆計畝均徵改納本色官爲雇運夫改納本色卽量收本色之意也官爲雇運卽官買官解之意也臺臣興議及此或亦斟酌成例爲兼舉便民之說耶今當再一申明除各處奉行有緒者不必紛更外其邢沙貳縣召買俱如議察炤時價量徵本色卽

以抵坐定太倉舊餉并雜項新餉之數仍以時估有餘價
值官爲雇運事完冊報銷算考察不許私派里甲苦累小
民庶民無輸領轉折之苦官無徵買耽延之虞至於較定
斗斛嚴禁加耗尤在該縣官加意奉行該撫按不時廉訪
耳其沙河縣沙河壹道兩岸沙磧沒胥數拾里不毛之地
輜軒經過者極目蕭條何以虛納錢糧相延未豁實不可
解然事關田賦遽難輕議應令該撫按勘明具奏以爲蠲
恤差等其所蠲之數仍宜設法抵補無失原額可也既經
具題前來相應覆

請恭候

命下臣部移咨該撫按轉行該縣一體遵奉施行

崇禎陸年正月拾玖日

戶部尚書臣畢自嚴等謹

題爲酌議窆運脚價以裕邊儲事邊餉司案呈崇禎伍年拾
月初壹日奉本部送戶科鈔出原任薊遼總督曹文衡題
前事內稱看得糧糶爲三軍續命之膏須以時給發猊貅
宿飽乃戰守可資若各邊口逼鄰虜窟一望黃沙商旅難
通米珠堪軫西協肆路有離鎮城壹百肆拾里者必窆運
索饒斯有備無患亦必脚價不虧斯輓輸無滯察中協路
稱坦平窆運米豆計程拾里每石給脚價銀壹分伍釐西
協石古曹牆半屬崎嶇山道往例計程拾里每石止給脚
價銀壹分路之難易價之低昂已大懸殊矣今應炤中協
窆運之例計程拾里每石脚價銀壹分伍釐足數給發如
是而猶曰窆運難前斷難姑息各商脚價旣增復濟之以

車兩竝運庶飛芻不疾而速官兵免庚癸之呼也等因拾月初壹日奉

聖旨該部酌議具覆其未完漕米著該餉司速行驗曬勒限完納不得延玩致悞急需欽此又該順天撫按傅宗龍等會題前事拾月初捌日俱奉

聖旨知道了該部知道欽此又該本部題爲灼見弊源敬陳未議懇乞

聖明採擇以益安懷事內題覆西協監視鄧希詔條議驗樣米增脚價均糧餉緣絲拾月初捌日奉

聖旨奏內樣米著有司運官公同固封呈部司官驗米乞運依議行密鎮脚價著併督撫會本速察議奏仍嚴釐扣減延緩諸弊兵分精膏餉有差等經制已定何得額外增添這議均

糧餉一節還著督撫監視會同按關貳臣詳議妥確奏奪欽
此欽遵鈔出到部通送到司隨卽移文該鎮督撫再一酌
議去後今奉本部送准薊遼總督傅宗龍咨前事內稱看
得西協脚價一事備察中協每拾里原給壹分伍釐西協
路徑難行倍於中協而空運脚價拾里止給壹分本部院
撫薊時業已悉其應增之槩矣今應照中協例每拾里給
價壹分伍釐於以恤商困而裕邊儲似不待再計者等因
到部奉批該司確察速覆送司奉此察得密鎮空運各倉
邊糧脚價前督撫監視題

請每石拾里加銀伍釐本部議覆每石仍以壹分拾里爲則復
奉

明旨再著督撫會本察議今經咨覆前來在撫監或有見而請

然每歲應芻邊糧爲數儘多則所加腳價應亦不貲應否
依從其請或從中酌量稍增使奢儉適中等因呈奉堂批
准炤原疏議增不必再減送司奉此相應察炤議覆案呈
到部該臣等看得薊密漕糧派運各鎮邊倉芻運腳價每
石拾里給銀壹分向係成例數亦不薄自崇禎貳年冬虜
警蹂躪車贏稀少薊鎮路當首衝芻運艱難每石拾里議
增至壹分伍釐今密鎮督撫監視因該鎮邊倉離鎮頗遠
慮路徑之難行憐各商之陪累遂援薊例會疏請增復經
咨議前來合應准從姑炤中協之例每石拾里增給腳價
銀壹分伍釐庶免不均之嘆於以恤商裕儲胥有賴矣其
增給錢糧於主客年例內通融支給按季報部銷算惟是
芻運腳價每石壹分原屬舊制今壹旦議增雖不得不然

但每米壹石或用脚價叁錢有奇亦煩費可惜異日邊方
安靖人煙湊集則薊密貳鎮仍須漸復

祖制以示節省可也恭候

命下臣部移文該鎮各衙門一體遵奉施行

崇禎陸年正月拾玖日

貳拾貳日奉

聖旨是

臣等竊維國之興廢繫乎德之修否德之修否繫乎君之賢不賢君之賢不賢繫乎臣之忠不忠臣之忠不忠繫乎法之嚴不嚴法之嚴不嚴繫乎刑之重不重刑之重不重繫乎賞之厚不厚賞之厚不厚繫乎罰之重不重罰之重不重繫乎民之安不安民之安不安繫乎兵之強不強兵之強不強繫乎財之足不足財之足不足繫乎穀之豐不豐穀之豐不豐繫乎賦之輕不輕賦之輕不輕繫乎刑之重不重刑之重不重繫乎賞之厚不厚賞之厚不厚繫乎罰之重不重罰之重不重繫乎民之安不安民之安不安繫乎兵之強不強兵之強不強繫乎財之足不足財之足不足繫乎穀之豐不豐穀之豐不豐繫乎賦之輕不輕賦之輕不輕

戶部福建司署司事員外郎臣孫陞謹

奏爲遵

旨回奏事崇禎伍年拾貳月貳拾叁日奉本部送戶科鈔出甲
字庫掌庫事御馬監太監李陞等題爲存恤事崇禎伍年
拾貳月貳拾壹日奉

聖旨知道了孤貧例給冬布係朝廷存恤德意自應蚤給俾沾
實惠該部奉旨已久如何至今始行劄庫著該司官回將語
來欽此欽遵鈔出到部送司該臣將臣莅任具題奉

旨鈔發送司劄發日期并領劄投庫人役稽遲情繇一一據實
回

奏崇禎陸年正月初伍日奉

聖旨存恤遲緩如何反以孤貧不卽赴庫爲辭且領劄投送等

事應否聽其轉托延挨該管官漫無察理孫陞併順天府官俱明白回奏該衙門知道欽此臣聞

命自天愈驚愈感一介小臣荷蒙

皇上堯仁舜德再寬斧鉞之誅卽損摩頂踵不能報稱萬一也前疏臣甫任事卽呈堂具題

聖明已洞鑒矣今將從來根因併以後事宜詳陳之察得甲頭領劄投送之例則有年矣且甲頭瞽目而轉托代領之人亦有年矣至察延挨之故據馬實供吐兩縣孤貧有貳千餘名口原不盡居養濟院中則有零星散處四方者不能一時傳齊又必俟掛號完日然後同衆赴庫投領也此就馬實自供詞狀如此臣據實明白回

奏不敢一字涉虛抑臣見得甲頭多係年老瞽目之人奔走

道路不便合無自今以後一面差役送劄甲字庫不必甲頭領投轉托也一面差役送劄順天府移文大興宛平貳縣預請庫發日期榜示衆知不必甲頭相傳耽延也庶孤貧蚤沾

皇恩而甲頭亦獲老者安之之澤矣此臣區區愚衷可否伏候聖裁再懇

天恩垂憐俯賜矜宥

崇禎陸年正月初玖日

貳拾貳日奉

聖旨庫劄漫委胥役一任延挨需勒孫陞已屬溺職及奉詰回話又不認罪反捏稱舊例兼以口供及條議支詞掩飾好生詭玩本當重處姑著降二級炤舊管事該部知道

臣等謹將各省各屬一併查明開列以憑核辦
臣等謹將各省各屬一併查明開列以憑核辦
臣等謹將各省各屬一併查明開列以憑核辦

臣等謹將各省各屬一併查明開列以憑核辦
臣等謹將各省各屬一併查明開列以憑核辦
臣等謹將各省各屬一併查明開列以憑核辦

臣等謹將各省各屬一併查明開列以憑核辦
臣等謹將各省各屬一併查明開列以憑核辦
臣等謹將各省各屬一併查明開列以憑核辦

監視宣鎮糧餉兵馬邊牆撫賞等事太監臣王坤謹

題爲清察班價壓欠數多乞

勅嚴催以濟邊工興作併入

考成重戒豫臣母悞邊計事臣察宣鎮之有河南等衛所班價也實爲本鎮修葺邊牆墩臺之用每年額解司庫銀玖千玖百壹拾叁兩捌錢其來遠矣頃因稽核司庫錢糧每見諸司取用班價不貲遂檄都司官吏逐察班價銀兩去後今據該司呈稱察自萬曆拾捌年正月起至泰昌元年拾貳月終止共該額解銀貳拾柒萬柒千伍百捌拾陸兩肆錢內除已完銀壹拾玖萬伍千叁拾捌兩叁錢伍分零尚該未完銀捌萬貳千伍百肆拾捌兩肆分零已於崇禎肆年柒月內蒙前任宣府巡撫沈榮業驗內云本年陸月

內蒙兵部尚書熊明遇題

准泰昌元年至萬曆拾捌年舊欠班價遵

旨蠲免訖又除崇禎叁年分班價通完外今將察過河南等衛
所未完班價銀兩數目計開天啓元年分未完銀肆千玖
百陸拾貳兩玖錢伍分天啓貳年分未完銀叁千叁拾壹
兩玖錢柒分玖釐天啓叁年分未完銀叁千捌百伍拾兩
壹分捌釐伍毫天啓肆年分未完銀伍千壹百伍拾捌兩
玖錢天啓伍年分未完銀捌百貳拾伍兩壹錢捌分捌釐
天啓陸年分未完銀柒百肆拾貳兩貳錢肆分伍釐天啓
柒年分未完銀貳千壹百壹拾肆兩玖錢叁分柒釐崇禎
元年分未完銀捌千伍百伍拾柒兩柒錢崇禎貳年分未
完銀伍千玖百伍拾玖兩壹分叁釐崇禎肆年分未完銀

壹千叁百叁拾捌兩捌錢崇禎伍年分未完銀捌千肆百貳拾柒兩壹錢以上共壹拾壹年共拖欠未完銀肆萬肆千玖百陸拾捌兩捌錢叁分伍毫開報到臣據此看得班軍納價乃踐更之役也計頭出納乃力役之征也使豫卒安閑於丘井而宣人勞苦於巖邊計日修防終歲勤動乃計今拾有貳年共欠拾之肆伍拖延過半赴納不全豈以繼續之軍丁將同災荒之地糧可得蠲免乎臣莫解其端倪矣夫先年班軍裹糧遠涉每歲陪費且不貲既免其人薄徵其銀誠極樂之願爭輸恐後者焉有逋欠之理蓋因痛癢無關秦越相視縱宣臣疾聲大呼而豫臣寢如充耳矧班價銀兩擊宣鎮安危目今東西交訐之日萬一邊備稍有疎虞豈獨無罪耶既經該司開報欠數前來除移會

撫按卽咨河南撫按嚴行各該衛所炤依前項未完年分
班價數目銀兩逐一解補以充新議修邊之用庶邊腹之
勞佚得均而衝疆之畚鍤無曠矣臣謹會同撫臣焦源清
按臣胡志藩合詞具

題伏乞

嚴勅各該撫按作速催解補足前數仍祈
令入考成以戒藐玩

崇禎陸年正月拾陸日

貳拾貳日奉

聖旨這班價係邊工急需如何歷年逋欠明有侵隱情弊著河
南該撫按嚴行察追勒限補解如再玩延將衛所該管各官
叅來重治該部知道

監視宣鎮糧餉兵馬邊牆撫賞等事太監臣王坤謹

題爲恭報修過牆臺造發大器并出邊燒荒順採柴草各効勞内外文武官員伏乞

聖明俯加紀錄以昭激勸以勵邊臣事臣惟隨事圖功固臣子効忠之職分也而信賞必罰實

聖主勵世之權衡也臣以匪才濫竽監視日月逝矣片善無聞自甘待罪以明職業惟是壹歲之內不揣越俎叅効不職文武俱蒙

皇上察確顯罰之矣若其著力邊工精心造器及燒荒効勞官員不爲具

題紀錄則是有罰無賞何以激勸其將來耶臣今驗准守巡懷隆兵備道范鑛劉象瑤劉嘉遇各手本內稱修過牆臺

造發火器數目及鎮守總兵官董繼紆手本開稱出口燒
荒採過柴草數目効勞文武內外官員職名各等因備移
到臣准此看得宣鎮邊牆墩臺圯塌原多臣前題奉

明旨議修高堅寬闊容人列器欽遵行道尚在酌議方敢舉行
惟修過邊工併巡道劉象瑤打造過火器及督臣遺臣西
洋大砲肆拾位鎮城造見貯西洋等砲臣會撫鎮道分發
各城堡足資防禦者臣謹委中軍把牌武俊等分投察過
外至於燒荒一節本鎮自敘款以來未之舉也今瞰插育
不測奴報頻仍臣與按鎮道會同剋期出口以其叢林豐
草付之一炬則數百里之間我可乘高遠瞭彼難倚跡潛
形而且順採柴草進口數多儘堪備用此則內外將士用
命奮庸其功亦不可泯也用是冒昧上

聞伏乞

皇上俯將在事効勞文武內外官員并

勅部監紀錄庶賞罰必信而人心激勵邊政益修矣臣謹會同

撫臣焦源清按臣胡志藩合詞具

題

計開

一修過城垣邊牆墩臺

分守道范鑛所隸

上西路叅將王濟督併守操等官黃忠等修完

土石邊牆共長柒百肆拾餘丈大邊墩臺貳

拾座腹裏接火墩臺捌座

下西路叅將查國寧督併守操等官徐自紳等

修完土石邊牆共長伍百伍拾壹丈伍尺

分巡道劉象理所隸

上北路叅將劉永壽督併守操等官陳上表等
修完甃土石砌城垣邊牆共長叁百捌拾玖
丈甃土墩臺叁拾伍座墩房貳間女牆壹丈
肆尺火藥局房貳間挑它過城壕叁百貳拾
肆丈

下北路叅將管鳴珂督併守操等官沈俊猷等
修完石砌中牆叁拾伍丈貳尺石砌河壩伍
丈壹尺

中路叅將周紹先督併守操等官李承勳等修
完石砌邊牆壹百伍拾肆丈

懷隆道劉嘉遇所隸

上東路叅將張國威督併守備張登科等修完
執土石砌城垣邊牆共長叁百壹拾丈貳尺
女牆陸拾壹丈墩臺陸座墩房壹拾捌間境
門壹座

下東路叅將馬明英督併守操等官昌從文等
修完腹裏接火墩臺捌座

南山叅將姚化民督併守操等官楊中元等修
完執土石砌邊牆長貳百柒拾丈伍尺腰女
牆長玖拾玖丈玖尺境門壹座營房教場神
機庫房共壹拾伍間

一造完火器

分巡道劉象瑛督造完大砲貳百肆拾位三眼槍
壹千陸百杆子母槍壹百杆子砲伍百玖拾
肆箇佛朗機壹拾柒位子砲壹百伍拾叁箇
鳥槍肆拾壹杆盔連腦包壹千頂副甲連遮
檔遮窩護項捌百肆拾領副臂手壹百副腰
刀壹百伍拾口甲釘壹百叁拾萬箇大弓伍
百伍拾張大箭壹萬捌千枝大小鉛子壹萬
斤小鐵子壹萬斤

保安州知州胡士棟捐俸自造滅虜砲捌位佛
朗機拾架鉛鐵子共叁百斤

一發過西洋大砲滅虜大砲并佛朗機火藥硝磺等

件

分守道范鑛所隸

上西路叅將王濟所管沿邊各城堡先行分發
過西洋砲貳拾捌位佛朗機貳架續發滅虜
大砲壹拾捌位火藥貳千斤硝貳萬玖千伍
百斤黃伍千斤又添買鉛子叁萬捌千陸百
貳拾箇鐵子壹拾伍萬玖千肆百柒拾箇

下西路叅將查國寧所管沿邊各城堡先行分
發過西洋砲壹拾伍位佛朗機壹架硝貳萬
柒千斤黃伍千斤又添買鉛子伍萬箇
南路叅將馬化龍所管係腹裏城堡量發過西
洋砲貳位硝壹萬斤黃貳千斤

分巡道劉象瑤所隸

上北路叅將劉永壽所管沿邊各城堡先行分發過大砲肆拾捌位西洋砲貳拾柒位佛朗機貳架硝壹萬玖千叁百斤黃貳千貳百斤又添買鉛子肆萬伍千肆百叁拾箇鐵子壹拾叁萬柒千陸百柒拾箇

下北路叅將管鳴珂所管沿邊及腹裏各城堡先行分發過大砲貳拾貳位西洋砲壹拾貳位佛朗機壹架硝壹萬伍百斤黃壹千捌百斤又添買鉛子貳萬捌千叁百箇鐵子柒萬陸千捌百陸拾箇

中路叅將周紹先所管沿邊各城堡先行分發大減虜砲叁拾位西洋砲壹拾捌位佛朗機

壹架硝壹萬捌千伍百斤黃貳千壹百斤又
添買鉛子叁萬捌千叁百貳拾箇鐵子壹拾
肆萬柒千貳百柒拾箇

懷隆道劉嘉遇所隸

上東路叅將張國威所管沿邊及腹裏各城堡
先行分發過西洋砲壹拾肆位佛朗機壹架
硝壹萬伍千斤黃叁千斤又添買鉛子捌萬
叁百箇鐵子壹拾叁萬伍千貳百箇

下東路叅將馬明英所管腹裏各城堡先行分
發過西洋砲壹拾壹位佛朗機陸架硝玖千
伍百斤黃壹千玖百斤又添買鉛子壹拾萬
陸千伍百箇鐵子貳拾肆萬伍千肆百箇

南山叅將姚化民所管各城堡先行分發過西洋砲壹拾位硝玖千斤黃壹千捌百斤又添買鉛子肆萬肆千箇鐵子伍萬叁千柒百箇

一出邊燒荒

除會同按臣胡志藩餉臣張梧卽委硬弓蔣朝焦遇選同在城同知張守約推官張魁宿芥之偉都司岳可劉崇禮續日強總兵下都司張承恩旗鼓千把等官陳洪範貳拾肆員固守鎮城巡察倉場庫局以防不虞外

鎮守總兵官董繼舒親提官軍壹千伍百員名繇馬營北柵口出邊貳百餘里督率將士直北遠焚叁晝夜從鎮邊堡進邊

分守道范鑛所隸

上西路叅將王濬統率守備黃忠等生營千把
楊道亨等帶領本路各堡兵馬壹千陸百員
名與同協守副總兵張懋功統領千把馬登
雲等帶領兵馬伍百名又守道范鑛率中軍
周維壩帶領健丁貳百名內中軍武俊硬弓
梁國用邊永泰率材官高汝溫等貳拾員名
監督繇新河口出邊焚燒叅晝夜會合下西
路官兵從洗馬林邊進口

下西路叅將查國寧統率守操徐自紳等千把
岳宗恒等帶領本路各堡兵馬壹千貳百伍
拾員名繇西陽河堡出邊焚燒叅晝夜至大

小青山會合上西路官兵從洗馬林邊進口
分巡道劉象瑤所隸

中路叅將周紹先統率守操吳始蘊等坐營千
總旗鼓武魁等帶領本路各堡兵馬捌百伍
拾員名同舊遊兵營遊擊石應雷都司守把
千總黃舉等兵馬叁百名硬弓趙欽監督繇
大白陽邊出口焚燒至青邊口進邊

正兵營遊擊郭秉忠統率千把部承寵等兵馬
叁百名同中路龍門城守備把總李承勳等
兵馬伍百名把牌王國忠硬弓劉國喜監督
繇龍門邊出口焚燒叁晝夜至赤城邊野鷄
山門進邊

上北路叅將劉永壽與同閑任叅將杜維棟統
率守防陳上表等坐營千把郭邦輔等帶領
本路各堡兵馬壹千貳百員名又巡道劉象
瑤率中軍董正官帶領戰兵貳百名分防把
牌王大純監督繇獨石北柵口出邊焚燒叁
晝夜從青泉堡邊進口

東協新兵營遊擊徐衛國同鎮守差內哨千總
郝効忠紅旗千把盧應選等督同坐營守把
秦大賓等帶領本營兵馬伍百名并本城鎮
寧馬營松樹等堡守防于廷輔等帶領兵馬
壹千員名繇馬營松君鎮寧等邊出口焚燒
叁晝夜從君子堡邊進口

下北路叅將管鳴珂統率守防許淳誠等坐營
杜光胤火器守備董正誼等帶領本路各堡
兵馬壹千名又同下東路叅將馬明英坐營
千把王宗禹等帶領兵馬伍百名并鎮守差
委千總馬壘同把牌邵宗順監督隸龍門所
邊出口焚燒叅晝夜從滴水崖邊進口

懷隆道劉嘉遇所謀

東路叅將張國威所管除未安堡四海冶黑漢
嶺周四溝劉斌堡等處地近

陵寢不便舉火炤舊樵採外惟統率守備李煥坐營千把張胤等
帶領兵馬捌百名與協同南山叅將姚化民
坐營把總楊科等帶領兵馬伍百名懷隆道

劉嘉遇率中軍王家裕帶領戰兵貳百名把牌劉國用監督繇靖胡堡東河口出邊焚燒
叁晝夜從黃土嶺邊進口

一順採柴木草束

各路俱有順採堆積邊堡爲數甚多惟候各路
報到合候

初書至日造冊

奏繳

崇禎陸年正月拾陸日

貳拾貳日奉

聖旨該部覈議具奏

聖旨於禮部議處

兵部錄廣田奉國下軍器局馬明升生

崇禎對平五日御封日高子等部兵馬協有在拜察守

委辦

六千餘向事同祀歸部家相宜督辦

陳善主日意

諸六口裝機約是夜失火水屋遺

傳後轉國各連

各獨詳前縣報詳前數對海軍軍

一即和樂本國

崇禎對平五日御封日高子等部兵馬協有在拜察守

六千餘向事同祀歸部家相宜督辦

諸六口裝機約是夜失火水屋遺

總督東廠官旗辦事司禮監太監臣王文政謹

題爲緝獲事該旗尉劉芳名史鳴鳳謝輔訪獲得侵剋

欽恤官布賣錢肥已背負

皇恩違法瞽目甲頭捌名各到廠內審得孔義供係順天府大

興縣人招稱是義自幼失目與今在官瞽目夏祿董欽韓

見劉科馬實蕭朝石剛各不合倚恃瞽目刁捏詞狀強充

兩縣養濟院甲頭希圖虛冒錢糧舊例大興宛平二縣冊

上有名瞽老殘疾男婦貧人貳千餘名口每年每名

內庫給布壹疋是義等總領分給只合按名給散均需

皇恩各不合虛闕花名冒領布疋賣錢肥已於崇禎伍年拾貳

月內大興宛平二縣該給布疋是義與今在官甲頭夏祿

董欽韓見劉科馬實蕭朝石剛并未到官甲頭張忠石應

奎曹忠楊春羅奉王見張實梅自禮王全張祿李廷王紀
焦成董亮袁定馮九順王越李海孟春王進忠劉見李朝
費忠張雄盧朋於本月內同大興宛平二縣差役憑該縣
印冊在於甲字庫關領布貳千零拾疋內大興縣冊上有
名瞽老殘疾男婦貧人玖百柒拾捌名口該領布玖百柒
拾捌疋是義該管捌拾壹名口除給散過布叁拾伍疋侵
剋布肆拾陸疋夏祿該管陸拾柒名口除給散過布貳拾
伍疋侵剋布肆拾貳疋董欽該管伍拾陸名口除給散過
布拾伍疋侵剋布肆拾壹疋韓見該管捌拾伍名口除給
散過布貳拾疋侵剋布陸拾伍疋劉科該管捌拾壹名口
除給散過布貳拾疋侵剋布陸拾壹疋宛平縣冊上有名
瞽老殘疾男婦貧人壹千叁拾貳名口該領布壹千零叁

拾貳疋馬實該管伍拾柒名口除給散過布貳拾壹疋侵
剋布叁拾陸疋蕭朝該管玖拾陸名口除給散過布貳拾
伍疋侵剋布柒拾壹疋石剛該管伍拾壹名口除給散過
布拾玖疋侵剋布叁拾貳疋其餘布疋係未到官甲頭張
忠王全等領去亦各侵剋不等是義等變賣官布間致被
緝知蒙將義等拏獲到廠審供前情及審夏祿等各供情
相同隨於孔義名下追出原侵剋布拾貳疋賣布銅錢貳
百肆拾文夏祿名下追出原侵剋布拾壹疋賣布銅錢肆
百捌拾文董欽名下追出原侵剋布貳拾伍疋賣布銅錢
肆百文韓見名下追出原侵剋布拾柒疋賣布銅錢貳百
肆拾文劉科名下追出原侵剋布拾叁疋賣布銅錢伍百
陸拾文馬實名下追出原侵剋布玖疋賣布銅錢壹百陸

拾文石剛名下追出原侵剋布拾疋蕭朝名下追出賣布
銅錢壹千陸百捌拾文及追其餘布疋各犯執稱變賣使
用花費無存惟恐不的再三研審執供無異據此合將違
法瞽目犯人孔義夏祿董欽韓見劉科馬實石剛蕭朝連
追出見在官布玖拾柒疋銅錢叁千柒百陸拾文伏乞

勅下刑部究擬併

勅該管衙門嚴革宿竇澄清將來庶幾悖得寔實澤而
欽恤之恩不致虛糜矣

崇禎陸年正月貳拾日

貳拾貳日奉

聖旨孔義等著送刑部究擬併張忠等及宛大差役通行提質
追擬具奏朝廷存恤德意徒供積猾虛冒該縣官所職何事

著吏部察明議處仍著該府通將縣冊覘報詭名徹底清釐
務使窮民得沾實惠該衙門知道

明光宗皇帝在位僅二十七日而崩... 崇禎皇帝在位十七年而崩... 崇禎皇帝在位十七年而崩...

崇禎皇帝在位十七年而崩... 崇禎皇帝在位十七年而崩... 崇禎皇帝在位十七年而崩...

崇禎皇帝在位十七年而崩... 崇禎皇帝在位十七年而崩... 崇禎皇帝在位十七年而崩...

崇禎皇帝在位十七年而崩... 崇禎皇帝在位十七年而崩... 崇禎皇帝在位十七年而崩...

崇禎皇帝在位十七年而崩... 崇禎皇帝在位十七年而崩... 崇禎皇帝在位十七年而崩...

崇禎皇帝在位十七年而崩... 崇禎皇帝在位十七年而崩... 崇禎皇帝在位十七年而崩...

順天府府尹臣莊欽鄰等謹

奏爲遵

旨回奏事本年正月初陸日據經歷司案呈准戶部福建司員
外郎孫陞題覆孤貧關支冬布遲緩緣繇奉

聖旨存恤遲緩如何反以孤貧不卽赴庫爲辭且領劄投送等
事應否聽其轉託延挨該管官慢無察理孫陞併順天府官
俱明白回奏該衙門知道欽此欽遵鈔出到部送司移府臣

聞

命驚惶仰窺

皇上如傷之視頃刻不寧隨行宛大貳縣察審馬實領劄因何
轉託投送何故延挨隨據貳縣申稱審據宛平縣孤貧王
月李海等口稱馬實蒙戶部叫去回話半鄉未到職等恐稽回

奏卽審王月等供稱凡孤貧人役非瞽目卽跛足多係老年
殘疾癡聾咽啞之人行動艱難做事緩慢沿習已久因戶
部把門人役張春與馬實等素相認識凡投領公文倚靠
已久此轉託張春之根因也至拾貳月初壹日張春將部
劄送與馬實實接公文候逢叁陸玖日赴十庫科院掛號
方准投庫因馬實瞽老有悞掛號兩期是以延至拾陸日
方行投庫此延挨半月之始末也等因到臣該臣看得孤
貧給散冬布雖係舊例實

皇上沛發之

恩膏也臣等待罪京兆爲

皇上牧養小民如許煢獨上廛

聖衷臣敢不仰承

德意以彰

浩蕩之仁第先期呈請臣府職也奉割而行臣府體也故先據
宛大貳縣申請具呈戶部並不敢後時刻該部具題奉有
明旨於伍年拾壹月貳拾玖日行割拾貳月初肆日到府臣等
隨卽行縣奉宣

恩澤貳千餘口無告之窮民咸懽欣歌舞荷

皇上生全之

恩如挾纊矣至於轉託領割投送延挨據縣審王月等口供亦
屬真情但給割責在部司題支事屬該庫各有司存臣等
不能越俎其領割送割之期臣實無從與聞也謹遵明白
回奏之

旨據實上

陳

崇禎陸年正月初玖日

貳拾貳日奉

聖旨存恤窮民該府不能飭屬實行致積猾包侵虛罔捏報據
 東廠緝奏甚明乃奉旨詰問又徇庇支飾反以無從與聞為
 辭職掌安在莊欽鄰等姑且不究張春著刑部一併提去究
 擬該衙門知道

吏科給事中臣曹履泰謹

題爲罪臣貪位無恥法無可寬小吏躁進逾涯漸不可長謹
據實糾叅懇祈

睿斷以信

功令以清仕路事臣竊炤

朝廷名位不容竊據而名位之最難假借者則外而秉鉞爲地
方安危所關內而司銓爲人才進退之鵠是以

皇上軫念封疆於失事諸臣凜凜曾不少貸至於銓司片席尤
不輕以予人進退賞罰惟法是視至公也亦至慎也孰意
有卸罪戀官如南贛巡撫陸問禮躡等倖進如吏部考功
司主事李希揆其人者公然敢於扞網自甘爲

聖世之罪人乎夫贛撫之設控制四藩爲鎖鑰重寄乃問禮身

領其事昨年當粵寇流突之時竟爾蒐鷺驚風鶴坐視鴟張
遂至屠鎮破城僵尸流血臣同官汪始亨臚列情狀罪案
昭然

皇上不卽加之斧鉞而責以戴罪圖功自贖問禮宜何如感恩
思報也者而不謂其惟怯如故朦飾亦如故也賊之來也
聽其殺掠而自以爲督兵勦捕賊之去也尾其後塵而自
以爲奮袂入閩賊之歸也饜飽思還而自以爲勦散兼施
一時喙息但知遮揜於目前不顧養癰於異日其視余大
成等失事諸臣之罪豈真薄乎云爾哉頃者伏讀

明旨尚容其降級管事夫法行而人畏奪壹人而天下知懼惟
恃有畫一之典在耳今若釋問禮不究則是失事之誅獨
嚴於諸臣而

曠蕩之恩偏渥於問禮究使負罪者起倖免之思冀吞舟可以
漏網任事者無策勵之念謂嫫媵不妨錦衣苟且僨事到
處效倣是關於問禮壹人之處分其事小而關於疆吏之
勸懲其事大也臣所謂罪臣貪位法無可寬者此也若夫
外吏如知推等官叁年考成殿最於是乎在其爲上上耶
則俸滿候選其爲中中耶則挨次陞遷其爲下下耶則卑
不及格黜逐隨之矣若未經考成則雖有捷足安敢爭先
況夫銓司壹官獎恬抑競將持此以相天下士詎可身爲
競首資天下士口實哉臣察李希揆者初授四川銅梁縣
知縣纔玖箇月丁艱回籍後復除河南孟縣知縣又調河
內縣知縣止兩年叁箇月自到任以迄推陞實俸未及叁
年考成正自有待功罪未定何庸足酬乃銓司之轉出於

格外夫誰作階梯而傲此非分之殊榮也乎及察推陞壹
疏所敘希揆兩地履歷止載某年月日除授不載某年月
日到任是將未縮綬之日爲實歷俸之日欺朦賄弊只圖
倖得非希揆極有神通安能開此捷徑哉夫壹人之躁競
無謂不足懲也臣恐壹人先登衆皆注睫將使爲外吏者
瓜期未及免窟多營中人馳騫於功名遙作清華之夢不
肖專工於奔競全無職業之圖舍剝繡而倚門不力耕而
望穫壞天下之吏治而啓仕路之爭端皆希揆作之俑也
臣所謂小吏躁進漸不可長者此也臣在吏言吏例得糾
叅伏乞

皇上勅下該部將貳臣嚴加看議殘破封疆者應生何律朦朧
速化者宜寘何條則

祖宗之功令信而仕路之鑽營塞其於

皇上銳意綜覈肅清吏弊豈小補哉

崇禎陸年正月貳拾日

貳拾貳日奉

聖旨陸問禮已有旨了還著策勵自贖李希揆俸未滿考朦轉
銓司是何情弊著嚴察據實奏奪不得徇飾該部知道

禮部尚書臣黃汝良等謹

題爲謹循職掌釐正時弊并陳文體日靡世道可虞仰乞
聖明俯垂申飭以儆積玩以挽頽風事儀制清吏司案呈崇禎
伍年拾貳月貳拾捌日奉本部送禮科鈔出南京禮部尚
書李孫宸奏稱嘗讀魯論垂訓曰能以禮讓爲國夫何有
故夫風俗之淳澆世道之所以爲治亂也然其自淳而澆
澆可還淳每視禮教之廢舉以爲轉移至若文章一遂似
無喫緊乃與世運之盛衰升降脈脈關通子與氏知言所
謂生心害政千古得失之林固或爽焉米捌年間臣參仕
畱都所見風俗月異而歲不同家無擔石稅飾豪富爲容名
廁膠庠亦與市儈同習中有里巷之雄不務恒業而惟結
把鷓局以營生又如衣中之蠹不語詩書而好挾上凌下

以爲武他不具論卽以關臣部職掌者言之

聖祖欽賜各寺莊田近伍百頃蘆洲又半之

欽錄勅書犁然具在用課朝夕焚祝爲

陵寢香火也乃百拾年來豪佃占爲己業膏潤起家化爲銅臭或藉黃濫衣中寺僧畏莫敢問前經司官葛寅亮清復半租轉盼弁髦依然不納今司官王則古沈正宗沈匡濟相繼清察始復葛額臣勒爲規則乘此租可贍僧因委司官多方設處修復各寺禪堂庶幾

朝廷香火少還其舊額若輩狼貪暫伏鷹眼固未化也又如先年齊庶知瑾輩播惡得網無非梟棍謝生洲卜彭年輩爲之投充撥置如虎傳翼釀成大愆致干

奏謹今在齊庶有庶總庶長家法可行臣部得以責成其約

束顧若輩梟棍鼓煽誘惑實繁有徒旋懲旋起未易翦滅
儻復致釀惡宗庶未免所傷實多此無論宗法所不能及
卽在臣部未易令行而禁止也又如教坊司四院雖伶人
卑賤然祇恭

享祭大祀等役載在職掌額設進

貢造辦錢糧亦安可使之魚肉窘蹙逃亡而棄業乎乃支應
差役已自煩苦復遭刁棍招搖夥黨朋扳巧砌逼勒盤掠
以致力盡皮穿日逐散亡先年樂籍貳千餘家今存止百
餘戶臣部堂司因酌爲應革應減之數刻成書冊移文各
衙門大家清豁嘉興甦息樂籍始稍安堵顧若輩梟棍嚇
詐爲生首視教坊爲奇貨卽

祖制曾有紅牌日久且玩爲套語儻條禁但出部示未易永絕其

屬饜也已上參款凡臣部法可必行行可必久安敢瑣屑
擬陳仰瀆

天聽惟是欲永杜其變更不可不各勒之板榜而非題奉

欽依則榜不爲重其視臣部堂司不過郵亭之客而癡庶與弱
緇孳樂直其掌中之雞枳上之肉耳至於近日文體則尤
有不可勝其駭異者

國家以制義取士原尊傳註以翼經書制義體式原尚平正
而貴典雅先年釐正文體凡考卷用佛書壹句以上降黜
有差首場字過伍百者貼出不錄文理怪澀欠通者亦先
行貼出一時頗知顧畏乃今士喜剽竊之易售遂厭體認
之爲迂不能爲平正則託爲新奇實不能新奇則跳之險
詭以俚淺之意而出以艱深以易盡之詞而故爲浮曼以

不可讀不可解爲玄奧以無起來無對偶爲新裁試掩命
題便不知所作何語夫繪畫者不難神僊而難狗馬何者
彼易假此難真也角射者不設正鵠則誰不可爲養繇基
哉今膚淺主司旣爲詭譎所欺不辨質鼎卽稍具鑒識者
亦或以憐才之心而誤收之又或以投時之好而謬錄之
此日詭遇獲禽之輩亦轉盼卽濫竽程士之人謬種相傳
恬不爲怪亦安得不日趨日下而淪胥莫返乎臣頃待罪
北禮見庚午壹科舉子之黜革罰科者若而人考官之罰
俸降秩者若而人深知

聖明欲振積弛不得不從

重典然於

賓興

盛典亦覺少光所傷

國體原不爲小固宜聳贖立醒無不翻然改變矣奈何錮疾莫瘳適日轉甚傳來考卷有恢謫難通寫用釋典每篇字溢千餘者今已逼近鄉闈與其懲創於賢書冒濫之後而有傷

盛典孰若預飭於歲科考較之日而責成學臣則惟有察勘解卷以爲殿最之一法第解卷必須原卷頗聞有收詭異以投時趣而換解卷以欺部閱者宜通加申飭凡學臣換卷解部卽以欺論不職按臣聞見必真舉劾入

告不得隱徇而凡試卷通先期府縣用印壹顆庶欲換解必另發印或少有顧忌而不敢乎閱卷責在禮部然臣見禮卿儀郎職事繁劇勢難遍閱竊以爲當

聖明興起文運之日宜特設學政司官貳員專司各省考卷及
兩闈硃卷磨勘摘叅之任量省分卷數多少分隸閱勘左
右侍郎比正卿事簡各董壹員而細核之閱過各加筆跡
送科覆加察駁乃將應叅若干卷議黜議降甄別上

聞以被叅之多寡爲學臣之殿最陞轉卽以摘叅之嚴縱定司
官之才能風力責成嚴切誰復敢肩越其職掌衡文者束
於禁旣不敢詭收異則作文者窮於遇自不得不返雅醇
亦安見文體不可歸正而世運不可挽回也臣行能謏劣
仰荷

皇上不棄其不肖裨之典禮

畱都畱都職事清簡臣若悠悠忽忽可以臥理竊祿顧念
國家豐芑重地五方風氣每以南國爲視效宇內人文亦以

崇禎不實正金卷六
南國爲嚆矢不敢不職思其居少圖維挽而又不忍僅閱
我躬罔恤其後不覺媿媿字稍踰額冒昧上

聞仰乞

聖明垂念根本

嚴旨中飭

勅下該部覆議施行等因崇禎伍年拾貳月貳拾伍日奉

聖旨近來文體大壞皆繇無識學臣妄收詭譎以致士子轉相
摹倣雅式日乖所關世道人心不小這所奏專責部司科臣
磨勘試卷摘叅處治等事甚于學政有裨著詳議妥確速奏
其寺田等三款另本覆行禮部知道欽此欽遵鈔出到部送
司案呈到部內除寺田等叁款另本覆行外看得文體之
壞至今日而愈趨愈下非有挽回將莫底止今年又當

賓興臣等宜有申飭爲諸士規茲南禮臣亦慮及此特爲具

奏蒙

皇上采納俾臣部詳議臣等以爲文體之所繇正職在衡文則
慎簡學臣其當議也學臣須有品望有骨力而首重在衡
鑒衡鑒精庶得士在牝牡驪黃之外取文在規矩準繩之
中住時銓部每季發訪某堪督學九卿科道各舉所知今
不可踵而行乎果爲衆所推服預貯夾袋一遇缺出隨登
啓事註某係某舉所舉稱職則舉者註以得人否則舉者
亦同其罰庶在己不敢競營而在人不敢濫薦矣其繩學
臣則有磨勘試卷之法臣部原設有司官壹員專主學政
磨勘各省考卷及兩闈硃卷今恐壹人之目力有限合就
司中教習主事或別司主事有鑒別不爽情面不顧者容

臣等分命簡閱仍於卷內明註係某磨勘苟磨勘不到按名而問之無所逃責矣且再經左右兩臣之細核與貳參科臣之察駁法莫備於此矣似不必再設壹員也至於解卷分別省分考過幾府縣卽陸續先解近者以季解稍遠者以兩季解極遠者週歲類解不如期者聽臣部叅處其所解之卷必須原卷有換卷者卽以欺論按臣執簡隨之仍聽臣部叅處其卷中有怪誕不經不尊經傳而用佛書等語不尊體式而溢伍百餘字者士子徑行黜革學臣降罰有差至有典雅馴正可爲式者另選刻頒行學臣紀錄以勸可也凡此皆就南禮臣疏中所已悉者更加詳確以取

聖裁其未盡事宜容臣部另行條奏總期釐正文體挽回士風

母負

聖天子作人雅化而已

崇禎陸年正月貳拾日

貳拾貳日奉

聖旨奏內各款俱屢經申飭乃士風日偷文體日壞總因積習
錮沿視同故事今後試卷有文字不經冗長踰限及換卷解
部等弊除本生黜革外學臣叅處學臣不職舉主一體竝論
部科磨勘飢徇各坐所繇務在力行用期實效其餘未盡事
宜著詳議速奏以便頒行

宜養其幼其老以慰隨任... 結轉集... 將不... 阻... 上... 崇禎... 崇禎... 崇禎...

崇禎... 崇禎... 崇禎...

福建道試御史臣黃金貴謹

題爲言路似通而實塞政府似重而實輕謹剖似是之非以致責成之實事臣聞言路之通塞國家之利害所繇關也自古嘉謨攸伏之朝言不患不通謂一通之而否隔無不通也惟上有懸輶設鐸之名而下多湮閼結轡之氣斯爲憂方大耳今日之言路何如哉

皇上明四目達四聰芻蕘可獻工瞽可箴街談巷語可集可不謂通乎盜賊水旱之奏牘不啻鄭俠壹圖空虛單弱之情形已備魏徵拾漸且祝解網者祈使過者顛釋繫者徧滿公車特塵

聽覽可不謂通乎甚至無裨時事之條陳亦歸部覆兩可互持之議論仍費調停若不欲一事一言遺於獻納也者又可

不謂通乎臣以爲此通之似也而非其實也夫言路實實通者諫則必行言則必聽或偶觸忌諱則怒過而徐思之或本激人言則言已而猶用之湯網時恢禹輦頻下獲一言期收一言之美利而今果盡然乎卽以舉劾一事言之舉壹人而未必用或用違其地而株累隨加劾壹人而未必去卽去已後特而觀望無已

輦下所傳爲絕響者惟一關於內員之口能使落職道臣頓還故物亦能使封疆勞吏立置投閑舌一掉而卽靈而相府梧垣無敢望此丰采也詩曰憂心悄悄愠於羣小其今日言路之謂乎臣故曰言路似通而實塞也臣聞政府之重輕天下之安危所自出也自古乾綱獨攬之朝相不患不重謂一重之而事業無不重也惟上有都俞吁咈之遭

而下鮮平章變理之效斯爲惠方深耳今日之政府何如哉
皇上闢堯明濬舜哲考慎其相

特簡

帝心不盡繇

廷議若金甌夢卜之外別有神符可不謂重乎自輔臣入閣

以來口代

天言手代

天批位望旣崇威靈亦赫

雨露無所不涵濡而

綸扉獨溼

雷霆無所不震疊而政地獨寬可不謂重乎甚至人言屢及萬

不可挽之特而

崇禎石室真金 卷一百一
褒諭頻加勉畱獨摯今日杜門明日入直若元首股肱之不可
暫離又可不謂重乎臣以爲此重之似也而非其實也夫
政府實實重者四方是維

天子是毗弼違必於其漸不徒矜揭救之爲功將美必於其萌
豈盡習逢迎以爲悅苟有裨於平治其何愛於髮膚多壹
人期多壹人之鴻業而今果盡然乎卽以票擬一事言之
禍福利害之見橫於中卽軍

國機宜漫以模稜爲卸脫方隅香火之情據於外卽睚眦註
誤必以透露爲機鋒邇來所艷爲美談者惟一當內員之
入

告微勞可錄獎與不靳其鋪張顯過可繩宛轉以行其袒護鼻
向人而斯息而鼎鉉

綸扉殊未見有豎立也詩曰有扁斯石履之卑兮其今日政
府之謂乎臣故曰政府似重而實輕也伏願我

皇上自爲耳目計於言路實實予之以通狂戇兼容愚誤曲宥
寧立見之施行無虛收之

採納卽不然亦勿以宵人分議論之權則言路清而羣忠競奮
矣

皇上自爲根本計於政府實實予之以重責以擔當程以啓沃
寧敬所可憚無樂所易親卽不然亦應以廉恥決去畱之
誼則政本端而治平立奏矣夫蓋臣瀝血以摠謨惟欲厚
責其實

明主用人而致治不第薄收其名名實之辨不可不審也伏惟
聖明採擇施行

崇禎陸年正月拾玖日

貳拾貳日奉

聖旨言官以言爲職果敷陳足濟時艱糾察有資釐剔朝廷方
虛懷采聽若用舍諸臣自有本末何謂似通實塞至閣臣票
擬經朕鑒裁進退當以君命爲重黃金貴何得逞臆妄議該
工部知道

中軍都督府帶俸陽武侯臣薛濂謹

奏爲遵

旨再奏事該臣於本月拾貳日遵

旨回奏壹疏復奉

聖旨前張登供明稱楊樂山先投鄭之俊釋放又投薛濂差人
拏搶豈無的據何得奉旨回奏但以強詞抵飾還著從實明
白奏來欽此莊誦

綸音跼天踏地身無所容臣前疏不敢深辯止恐涉於單詞不
見諒於

聖明是以一唯張登物色臣家奴執送法司治罪水落石出臣
之被誣虛實自見不意

聖明不賜洞察

崇禎不實 正金
嚴旨切責著臣從實回

奏事若有實何難從實奏

聞乞憐於

皇上乎卽如謝之元參臣庇山賊受投獻若非楊御史審出非賊非獻乃吳應乾意中事臣終抱不白之冤矣今日張登澄口卽謝之元之掇奏也

皇上嚴旨至再著臣回

奏無非欲申法以懲戒耳臣卽冒昧妄陳將無作有將有作無恐屬虛誑臣則不敢且單詞亦難治罪何若令張登招供臣家奴何人闖提到部鞫其搶者何物兩造具備豈不愈於臣之單詞哉但以么麼之事兩塵

嚴旨乃臣不能律身仰負

浩蕩之罪伏乞

聖慈俯憐勳舊施法外之仁少寬

斧鉞之誅是臣覬覦於萬一也

崇禎陸年正月拾捌日

貳拾貳日奉

聖旨張登所供展轉投勢明屬有因薛濂再奏何故堅稱誣捏
著法司一面體訪仍將楊樂山張登等究明拏搶犯人嚴提
確招具奏不許徇縱

明已博於

已上言野如學之元中作此山脈文後書其法新書其書其法

對對其法不有餘難一了言以休其法在元中書其法其法

昔去已一而對其法其法其法其法其法其法其法其法其法

望其法其法其法其法其法其法其法其法其法其法其法其法

其法其法其法其法其法其法其法其法其法其法其法其法

其法其法其法其法其法其法其法其法其法其法其法其法

其法其法其法其法其法其法其法其法其法其法其法其法

其法其法其法其法其法其法其法其法其法其法其法其法

其法其法其法其法其法其法其法其法其法其法其法其法

監視薊鎮東協署理關寧糧餉兵馬邊牆撫賞事務太監臣張國元謹
題爲派修羅城事崇禎陸年正月拾壹日准巡撫山永右僉
都御史楊嗣昌手本前事會開崇禎伍年拾貳月初柒日
准監視張太監手本准兵部手本該本部議覆前事奉

聖旨外城依議增拓以資捍禦其物料工作事宜仍著撫監酌
妥具奏欽此欽遵等因准此正月初叁日又准手本爲恭

報閱過山海形勢等事內開班夫既准會部請發訖其工料數
目相應催議妥確以憑會奏興工等因准此俱經備行該
道酌計去後案察拾貳月拾肆日據山海路叅將崔秉德
呈稱准關內道手本准監視手本前事會行到路隨行羅
城守備甯繼祖公同坐營呂應元將包修羅城丈尺應用
甄灰物料逐一估計得一羅城東面外口共長壹百貳拾

丈柴尺每丈下用鋪襯石壹層上接行鑿細石伍層共該
用細石陸百零叁丈伍尺上接青甃陸進收頂肆進每丈
用甃壹百貳拾塊計高平口貳丈伍尺共該用甃叁拾陸
萬貳千貳百伍拾塊上接梁牆高伍尺伍寸每丈用甃叁
百捌拾肆塊共該用甃肆萬陸千叁百陸拾捌塊用鶯不
落甃玖百陸拾陸塊墁頂用方甃壹層共用方甃壹萬伍
千肆百叁拾貳塊條甃貳層共用條甃陸萬壹千柒百貳
拾捌塊每甃用灰叁斤共該用灰壹百肆拾玖萬陸千肆
百肆拾貳斤每丈用軍夫壹拾柒名共該用軍夫貳千伍
拾貳名每軍每日鹽菜銀貳分行糧米壹升伍合計工壹
百日共該鹽菜銀肆千壹百零肆兩共該行糧米叁千柒
拾捌石等因到路除覆估議明白外該卑職察得包修羅

城必自外面就附舊城而下石條上甃砌幫出方克壯觀
有裨實濟更須班軍得法熟修甯兵佐之庶可刻竣其事
緣繇隨經詳批據揭工程甚大不請班軍懼不能辦請班
軍又懼分兩翼城之力也本院前議南海北山羅城米營
仍留壹甯辦料分隸該路及羅城守備刻日督工如不諳
修砌再加該路修工軍士輟甯年套工先完此舉何如關
內道速議確併報去後今據該道呈稱羅城增包惟可拓
之於外合計工料山海路言之詳矣惟是工程壹百貳拾
丈米尺用夫貳千伍拾貳名非班兵不可蓋城之東面正
當虜衝必得專工善手築砌方可經久而協路甯兵止可
幫助採薪辦料之役若用甯兵壹千叁百伍拾名外再請
班兵米百名急趁春和興工即可成之不日仍於南北腰

城未甚相妨也等因具詳到院據此該本院復集諸將計議羅城已修固不容緩但今南北長邊閃裂圻縫岌岌將頽若不蚤爲修補前值春霖必且坍塌至盡設或有警堵禦安施此件綢繆固圉斷當在羅城之先而非今日之言也去冬彙報山海工程疏內開稱山海邊城

國初鼎建高僅貳丈有奇天啓初年始因奴警加增壹丈肆尺經今拾載新舊土脈猶未相安凡丈肆尺以上非女牆欹側則魚腹彭亨如遇陰雨連綿則不敢放砲火而其裏口無孰一望斥鹵之地絕無堅土今年版築方訖明年傾圯仍優是則關門工作殆無了期非久於茲地者不知如是之苦也等因

題明在卷今當估計丈尺卽日興工隨率諸將於本月初捌

日親詣南北兩城踏勘明白行據該路叅將崔秉德將勘
過南北邊城外口魚腹閃裂工程丈尺具揭報院內開南
邊城自南脊牆起壹段長壹拾伍丈伍尺高連架口壹丈
肆尺八深壹丈柒尺貳段長玖丈伍尺高連架口壹丈叁
尺八深柒捌尺不等叁段長拾丈高連架口壹丈貳尺
八深柒捌尺不等肆段長捌丈捌尺高連架口壹丈叁尺
八深伍陸尺不等北邊花樓迤北壹段長貳拾壹丈高連
架口壹丈伍尺伍寸八深貳丈壹尺伍寸貳段長壹拾柒
丈陸尺高連架口壹丈壹尺八深柒捌尺不等叁段長壹
拾壹丈柒尺高連架口壹丈叁尺八深柒尺肆段長壹拾
丈高連架口壹丈貳尺八深伍陸尺不等緣繇據此計目
今揚兵之後卽今儘有甃灰先行搬運俟其齊備將前閃

裂緊要寬長處所旋圻旋修待工夫稍有次第然後續辦
羅城之料料果全完或借班營砌手或募州縣民匠整頓
包修刻期完畢庶爲有濟若長邊未了驟議羅城辦料未
完貿馬修砌則有頭無尾顧此失彼萬萬不能成也嘗兵
計壹千叁百伍拾捌人分屬山海路及羅城守備實實燒
孰運灰採柴打石不得與精兵相溷其操練之兵壹人不
可溷入此中此非各邊乾砌石牆可以衆手相幫通力合
作之比其鹽菜行糧修兩邊閃裂者不必支惟計羅城壹
百日通融支給卽工至百日以外亦不多支用示裁節旣
經估計續報前來相應會覆煩爲酌覆具

奏等因到臣該臣看得山海關起角山而南屬海鎮城雄路
於中所恃兩掖邊牆若左右翼顧單牆難守且歲久閃裂

目今虜勢披猖撫臣楊嗣昌議於左右築兩小城以傳之
其措置規畫纖悉畢備可以無大費而巨鎮屹然遂爲千
古雄關壯氣臣樂觀歛成蓋計日俟之矣而羅城東面壹
百貳拾餘丈窄而難守臣議展寬之亦勢之萬不可緩者
惟物力難齊諒難並舉則不妨於翼城工就之日隨借班
營砌手立刻已修而孰灰石料既估計已定則嘗兵壹千
叁百伍拾人自當先時採辦以待興工毋使前工已竟後
料未齊轉盼蹉跎竟成菜舍若鹽菜行糧則百日之工通
融支給於例當然非有浮濫也既經撫臣議定前來理合
具

題 臣謹會同巡撫山永石僉都御史臣楊嗣昌合詞具

題

崇禎陸年正月拾柒日

貳拾貳日奉

聖旨關門俟翼城工竣展修羅城既商酌停當著依議行仍先期辦料待用毋得延誤鹽菜行糧准通融支給該部知道

監視薊鎮東協署理關寧糧餉兵馬邊牆撫賞事務太監臣張國元謹
題爲援例

請發班軍遵

旨修建仰祈

允發永奠巖關事崇禎陸年正月拾陸日准巡撫山永右僉都
御史楊嗣昌會棠前事會開該臣案炤崇禎肆年玖月拾
貳日准兵部咨爲遵

旨會奏建城事該本部題覆前事奉

聖旨這增建關城事情既經酌妥依議明春舉行楊嗣昌卽遵
成言以垂遠利毋得臨時多請工費妨誤邊防欽此欽遵該
臣隨於歲底移咨督臣云兩城竝建工力浩繁原題班兵
柒千餘名在派定東協陸營之外今除原定陸營移咨保

崇禎五年正月
定撫院催督來關分發燕建等路外其山海新議城工應
請另派數營合力鼎建庶爲有濟希將春秋兩防內酌察
工程稍緩處所再賜添發數營檄發來關速鳩

欽工此在一轉移之間而功著巖關不朽矣等因去後今於正
月拾叁日准督臣傅宗龍咨稱各省班軍從來皆本部院
爲政而又時值承平故得以酌量派撥自崇禎肆年兵部
題定信地以後如關外笨營尚不敷用中協肆營兩班齊
調僅足供董家口橋城之工昌鎮又係

陵寢重地而派定者亦只貳營至若西協肆營既赴邊工今又議
修築舊城深苦不足別無可應似應援例

請京班軍爲妥等因會覆到臣准此該臣看得山海一關限隔

華夏拱衛

陵京

祖宗建立意深慮遠臣見逆奴窺伺所在生心斗大一城有如孤注不憚披肝瀝血累牘連章言所不敢深言任所不能獨任幸蒙

聖鑒勅部覆行臣望班軍米千壹歲而竣此役則金湯鞏固萬萬年咽喉控扼肩背無虞此臣一點愚忠勉報

天恩萬一者也今准督臣咨示班營各有信地難以增添臣屬東協肆路僅僅陸營內除真定民營該撫臣丁魁楚議畱操練臣愚未敢強爭外止得伍營而已石門壹路原派真定車營燕河壹路原派定州營建昌壹路原派保定車營邊衝信遠應修壞爛無窮寧敢那動計山海壹路止得河間營兵壹千有零保定左營陸百有零尚餘海口未完之

工派新找舊大約分兩新城僅捌百人而已此捌百人敢望修築千人之工哉如此班軍有限年復壹年竟無版築之期是終置山海於孤注而貽

陵京肩背種種之虞也問誰當關悠悠坐視臣死不足塞責矣察得薊門參協往例邊工緊急頻

請改撥京班臣敢比例上

請懇乞

聖明俯念首衝重地

允發京班陸千名與河間保左兩營相兼修築刻期告竣總此築千人數行糧鹽菜不敢浪增非有溢於原議之外也其新兵貳營臣議採柴辦料者在石燕建參路一切停止入操惟山海柴營量畱壹營共計壹千參百伍拾名數以捌

百屬山海路將伍百伍拾屬羅城守備經管采柴打石燒
孰運灰先修南北兩邊閃裂外口壹百貳拾餘丈完日接
續監視新

題幫砌羅城之役所以不能助兩城之工必

請京班陸千方克有濟三春去一展轉調發尚恐稽遲惟乞
聖明垂鑒速賜

允俞等因會彙到臣臣謹會同督臣傅宗龍巡撫臣楊嗣昌合
詞上

請伏乞

勅下兵部酌議速覆施行

崇禎陸年正月拾柒日

貳拾貳日奉

聖旨兵部酌議速履

兵部酌議速履

兵部酌議速履

兵部酌議速履

兵部酌議速履

兵部酌議速履

兵部酌議速履

兵部酌議速履

兵部酌議速履

兵部酌議速履

兵部酌議速履

吏部尚書臣李長庚等謹

題爲遵

旨回奏事文選清史司案呈宗禎伍年拾貳月貳拾肆日奉本部送吏科鈔出巡按山西監察御史羅元賓題爲條陳齟政切要事宜仰祈

聖明採擇事內稱蒲州知州畢達叁年撈鹽止完肆分欠鹽貳萬叁千柒拾壹引貳拾斤經前鹽臣王與胤題叅部覆奉旨罰俸陸箇月戴罪補撈今肆年雖完及捌分僅應免議則其所罰之俸所欠之鹽如故也今報陞揚州府同知欲辭臣去矣將聽其去不問乎恐人皆效尤則叅罰之典祇爲空文人心將何儆

國課將何賴是亦不可以已乎等因具題宗禎伍年拾貳月

貳拾叁日奉

聖旨該部覈議具覆內畢達既係罰俸戴罪何緣遽陞著吏部
奏明欽此欽遵鈔出到部送司察得戶部察叅事例凡有司
經徵京邊錢糧未完降職降俸住俸者俱停陞考而罰俸
者止將所罰俸銀扣解濟邊此向來之舊例也蒲州知州
畢達向因宗祿未完降職停陞繼因撈鹽不足戶咨罰俸
陸箇月至崇禎伍年捌月降職之叅已經戶部題咨開復
該本司署印員外郎金煉色於拾月內補捌月分推陞遂
據叅降開復之咨轉陞揚州府同知而罰俸一節想拘往
例未及致詳也茲鹽臣以未完之鹽仍復如故則本官之
責任尚未可卸似難准其陞轉合無將畢達仍畱本州補
撈遺下揚州府同知員缺另行銓補新補蒲州知州高向

輝就近改補山西平陽府隰州知州庶鹽有著落而各地
方不致缺人廢事也等因案呈到部看得山西蒲州知州
畢達推陞揚州府同知一節既經該司察呈前來相應據
實回奏合無將畢達仍畱蒲州補撈俟鹽斤報完之日另
議陞轉其新補蒲州知州高向輝改補山西平陽府隰州
知州恭候

命下仍給憑行令到任管事道下員缺另行銓補

崇禎陸年正月貳拾日

貳拾貳日奉

聖旨畢達既經鹽臣題叅奉旨戴罪補撈何得朦朧推陞顯有
營徇別情豈得以罰俸舊例爲辭併金煉色俱著察明議處
高向輝依議

崇禎元年... 崇禎二年... 崇禎三年... 崇禎四年... 崇禎五年... 崇禎六年... 崇禎七年... 崇禎八年... 崇禎九年... 崇禎十年... 崇禎十一年... 崇禎十二年... 崇禎十三年... 崇禎十四年... 崇禎十五年... 崇禎十六年... 崇禎十七年... 崇禎十八年... 崇禎十九年... 崇禎二十年... 崇禎二十一年... 崇禎二十二年... 崇禎二十三年... 崇禎二十四年... 崇禎二十五年... 崇禎二十六年... 崇禎二十七年... 崇禎二十八年... 崇禎二十九年... 崇禎三十年... 崇禎三十一年... 崇禎三十二年... 崇禎三十三年... 崇禎三十四年... 崇禎三十五年... 崇禎三十六年... 崇禎三十七年... 崇禎三十八年... 崇禎三十九年... 崇禎四十年... 崇禎四十一年... 崇禎四十二年... 崇禎四十三年... 崇禎四十四年... 崇禎四十五年... 崇禎四十六年... 崇禎四十七年... 崇禎四十八年... 崇禎四十九年... 崇禎五十年... 崇禎五十一年... 崇禎五十二年... 崇禎五十三年... 崇禎五十四年... 崇禎五十五年... 崇禎五十六年... 崇禎五十七年... 崇禎五十八年... 崇禎五十九年... 崇禎六十年... 崇禎六十一年... 崇禎六十二年... 崇禎六十三年... 崇禎六十四年... 崇禎六十五年... 崇禎六十六年... 崇禎六十七年... 崇禎六十八年... 崇禎六十九年... 崇禎七十年... 崇禎七十一年... 崇禎七十二年... 崇禎七十三年... 崇禎七十四年... 崇禎七十五年... 崇禎七十六年... 崇禎七十七年... 崇禎七十八年... 崇禎七十九年... 崇禎八十年... 崇禎八十一年... 崇禎八十二年... 崇禎八十三年... 崇禎八十四年... 崇禎八十五年... 崇禎八十六年... 崇禎八十七年... 崇禎八十八年... 崇禎八十九年... 崇禎九十年... 崇禎九十一年... 崇禎九十二年... 崇禎九十三年... 崇禎九十四年... 崇禎九十五年... 崇禎九十六年... 崇禎九十七年... 崇禎九十八年... 崇禎九十九年... 崇禎一百年...

工部尚書臣周士樸等謹

題爲訪獲埋藏軍器事虞衡清吏司案呈崇禎伍年拾貳月
貳拾日奉本部送工科鈔出巡按直隸監察御史衛景瑗
題前事內稱德左等衛隸在山東潼蒲等衛所隸在陝西
寧山壹衛隸在山西諸弁世職生長彼中其俸糧之支給
在各省也屯銀之徵收在各省也卽軍器之工價料銀以
至節年之督造起解亦無不在各省也至與北直衙門稍
有關涉者止因考選軍政例繇北直兩院會題故道府得
奉文轉行是以有相轄之名耳非若真神貳衛轄於真定
卽坐落真定也似當再請

聖裁下部酌議將德左寧潼蒲等衛所各於本省就近衙門
其督責併行山東陝西山西各撫按轉行本省道府備察

歷年軍器其工料等價彼中作何支領是否原徵價值與新式所費相懸從頭徹底逐一清釐而嚴督之庶幾積玩可除責成有賴矣不然縱令北直各官日代隔省衛弁受罰而痛癢毫不相關何濟公家等因具題崇禎伍年拾貳月拾玖日奉

聖旨該部知道欽此欽遵鈔出到部送司奉此察得德左等衛軍器因其推諉稽遲業經呈堂咨行山東撫按協催去訖今寧山潼蒲等衛所隸在山陝應從衛御史所議行令該省撫按專責造解相應具題案呈到部該臣等看得衛弁造解軍器原隨省分徵糧科派此係

祖宗舊制今察屯銀之徵收德左等衛在山東潼關衛在陝西蒲州寧山等衛所在山西自當徑行該省撫按轉行司道府

屬備察派辦錢糧嚴催造解以補缺額今各該衛弁因在北直鄰壤有考選軍政之會題借口統轄反滋躲閃至使軍器曠廢者多按臣衛景瑗熟察輿圖之正供備察額賦之所出議將德左等衛所專行本省嚴督造解殊得責成之要伏乞

勅下臣部轉行山東山西陝西撫按衙門一體遵奉施行

崇禎陸年正月拾玖日

貳拾貳日奉

聖旨是

後年京邑其... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

崇祿存實取金... 崇祿存實取金

工部尚書臣周士僕等謹

題爲庫貯適當匱極金錢錙銖宜惜請乞

聖明勅存成料以備工需以昭博節事營繕清吏司案呈案察
宗禎伍年拾貳月內奉本部送據監督益甲廠主事孫肇
興呈稱奉劄成造

朝鼓已完所有進鼓天橋事隸營繕司搭造伏乞批行該司
預備等因到部送司奉此隨經劄委主事胡永清督造去
後續該欽天監選擇搭造天橋在於宗禎陸年正月貳拾
陸日卯時進鼓吉期在於宗禎陸年貳月初叁日卯時俱
奉

欽依在案今據胡主事料估搭造天橋合用物料冊開除平頭
木壹百貳拾根杉條木壹千壹百伍拾根於山臺兩廠借

用工完炤數還廠并楸棍叁千伍百根於

神木廠取用夫匠量工雇覓難以預計外至於鋪戶買辦松木席麻水膠蘆葦紅土螞蝗勾搭等項炤估算該銀肆百肆拾肆兩壹錢若炤往例夫匠約料相配共該工料銀捌百餘兩業經呈堂批准先給領狀陸百兩責令胡主事嚴督速造以期克襄

典禮夫平頭杉條楸棍等木原係廠貯所有業已准令給發惟需車運脚價而松木席麻等項既非現有之物勢不得不爲買辦但工屬搭造事完物存可備別工取用以省一番買辦合無請

旨申飭遵行等因業呈到部該臣等看得水衡之匱工作之繁邇來已稱竝極然

典禮攸關固不容不費之金錢而搏節可施誠有不可不
惜之物力卽據進鼓天橋一事除夫匠工價與廠存木植
之外其應見辦物料輒計肆百餘金在今日成造咸屬必
需之數在將來拆卸寧無應存之物故收料旣宜確覈還
廠亦應簡點倘任人拆取全無稽察俾有用之物一旦歸
之烏有豈不大可惜哉臣等不得不仰請

天語申飭責成監督件件炤出於以重事權而杜濫觴未必無
裨益也旣經該司案呈前來理合題

請恭候

命下臣部容臣等遵奉施行

崇禎陸年正月貳拾日

貳拾貳日奉

聖旨搭造材木自應責成監督稽數收還何待請旨申飭今後

一應用存料物有遺失盜竊的經管司官察明叅處

今丁酉年春月...

新蓋...

大...

...

...

...

...

...

...

福建道試御史臣米助國謹

題爲敬陳安民實政以奏治平事臣筮仕江右首繁一吏拮

拮陸年荷蒙

皇上拔置臺班仰戴高厚之

恩亦惟糾彈是職伏覩

皇上敬

天法

祖勤民直可媿堯舜而駕漢唐獨斥逐之言臣有宜

賜環以示恩者

詔獄之臯臣有宜解網以宏仁者降罰之諸臣有宜復級以疏

滯者章滿公車未蒙

俞允臣雖新進小臣亦當盟心入

告竊意

皇上淵衷無非因邇來狂激成風疎慢溺職必久持嚴重之威而後中外臣工振厲濯磨爾時沛發

浩蕩之仁應釋者釋應復者復令天下懽呼感泣而後已未晚也聖慮深微固非臣子所能仰窺萬一何敢以爲建白先資惟今天下民生催科歛髓寇盜盈郊非急議救時要務海內元氣

國家邦本將奚賴焉謹條議三事爲

皇上陳之一曰徵輸之法宜清也編戶之制壹里拾甲皆謂里長各甲之下小戶隸焉歲僉里長壹人催徵闔里錢糧名曰排年此定例也然民戶未有不納之糧差州縣恒多積逋之解運其故惟何弊卽在於里催之總收也何也僉點

里排非不按糧責役往往非身家自愛者力求脫却則頑
猾有年者巧於兜營迨至頑猾一充此役額外之收不止
什一囊中之人何僅貳叁彼既侵肥之甚必然輸納不前
勢不得不用拘捕刑繫自是追呼徧野已去幾何之浪費
敲扑盈庭半屬買倩之次身保歇吏胥就中巧索又毋論
已誰匪惟正其侵若彼其費復爾既不在民亦不在官可
爲太息更而張之莫若急革壹人總收之弊爲花戶自免
之法其法令州縣正官於每歲開徵數月之前清察各里
花戶丁糧確數每里壹冊冊內每戶壹款款內先定某戶
條餉額該納銀若干比及開徵卽以冊付直收典吏名曰
櫃冊又將糧道易知縣票丁糧派則戶給壹單填註本戶
丁糧若干本年該納條銀若干餉銀若干務與冊符名曰

清單諭令納銀持單赴兌無單者不收其所納銀數櫃吏
眼同登填單冊如此則官有冊而某完某欠展卷瞭然民
有單而實欠實完誰能再遁有仍包攬之舊者法無貸有
玩催呼之緩者法亦無貸如此則姦民難容詭抗良民喜
於樂輸雖有毫忽之人可必在官即有毫忽之欠可尚在
民民無侵費之害官無追比之擾其事雖繁法實最簡催
科得法即為撫字無有善於此者然此法行而零星免納
耗羨滋彰所當再加釐飭者納戶必令自封自兌直收之
吏五日更番止職填冊填單並不許容秤免上下之手無
權何從過多於

皇上三令五申火耗之禁亦將不戒自除矣一日鄉兵之制宜
講也試觀今日之域中非蹂躪於外變之寇兵則震蕩於

內起之盜賊壹邑之內得壹鄉不可震蹂則壹邑爲安土
壹郡之中得壹邑不可震蹂則壹郡爲寧宇合諸省

兩畿皆然則

皇輿爲壹大衽席矣從來安民禦盜惟保甲壹法然以語於今
日無異塗羹何也勢豪富戶大力可以拔山其不類首從
事守望明矣貧弱細民左足捷於飛羽其不甘心爲人捍
圍仰又明矣互相援察總成諛耳之談嚴行連坐徒滋毒
民之令蓋其姓名不占於籍公楮不及其身徒恃區區文
法責以奮臂禦盜竭蹶捕亡有是理乎法宜於壹鄉之內
以拾家爲率遴選壹人膽力極豪家產略備者爲兵就中
擇其義勇厭服人心者以壹爲之長登冊報官器技則以
火攻爲上勁弩次之槍矛又次之弓箭鑱箠之類舉皆不

用第藥械無資肄演棄業有望而却走矣紳衿與殷實之家以所藏之厚薄分出貲之多寡繕器之外人給壹金貳金以當楔楸亦登冊報官州縣正官不時按閱稽察無事之時督聚訓練一遇有警合力齊驅不用命者嚴後至之誅能擒賊者懋旌功之賞若是則彼知名已載冊督之無可逃之責潤實微沾事至無可昧之心鄉兵始有實用弭盜始爲實著但今多事之時耳目易驚題之曰兵愚民疑慮調遣未有不潰駭者須深切曉諭壹鄉之兵捍圍壹鄉或彼鄉有警此鄉應援卽有秦晉潢池之變亦不令出邑境不時察閱亦必正官單騎獨往無騷從騷擾委官需索之弊有兵之名無兵之苦直令其明白曉暢懽忻鼓舞壹鄉如此則壹鄉有虎豹在山之勢鄉鄉如此則到處有草

木皆兵之象鼠竊狗偷無地可容羣聚不逞環顧落膽矣
卽保甲成法自不可廢若必拘拘格套不急整頓恐呼之
不應渙焉不屬弛之則一無可恃急之則祇增其擾臣未
觀其可也一曰詞訟之囂宜息也臣觀海內民困極矣困
於水旱困於徵輸約居陸采而困於構爭未必不居壹貳
夫民之訟也非萬分鬱抑而鳴則一往暴氣所騁旣訟之
後差役不啻豺狼吏胥以爲魚肉蕩析家產鬻賣妻孥纏
綿至於歲月之久懊悔無從波累了無干涉之人報復不
已此猶曰訟卽其人自貽伊戚耳至於事本極微有扛幫
之手謀可漫天氣已漸平添嗾弄之人忿能指髮此猶曰
雖受愚於人已實與焉至於赤身白棍視衙門爲戲局倚
包攬作生涯族里之間少有角鬪劫殺之誣不脛而走院

宗亦不...
司迨至勾攝疾呼有莫知其所自來者言之酸楚臣陸年
作吏知之頗悉再四圖維刁民好囂與姦棍包訟何地蔑
有息之之法民各有長壹族則有族長壹里則有里長巡
方按臣定爲詞式通行守巡酌量州縣大小每歲應用若
千歲首赴道印發州縣族長里長人給數張收掌同宗相
構則族長主之異姓相構則里長主之發詞原告竝令書
名於上必真正命盜及姦惡詐僞重大事情許令具告非
印狀不准一切戶婚田土及睚眦之忿簞豆之爭通行示
令解分和處其應准印狀原告涉虛與命盜等項抑勒過
久者俱先治掌詞以罪院司以至州縣一體遵行如此則民
間激切之情獲立申於肺石而氣出暴猛事實輕微將何
所挾而狂呼耶至於扛唆包駕之姦卽有翻雲覆雨伎倆

絕無所施誠設誠而力行之不獨使民無訟行且風恬俗
美園空刑措之治可庶幾矣夫此三事者卑之無甚高論
泛視則屬迂談然於民不聊生所在思逞之時省民壹事
擾費卽壹事休恬保民壹日寧靜卽壹日太平未必非救
時一壺

皇上嘉惠元元之梁肉也臣於是而更有進焉今撫按以至州
縣皆治民之官也然真與百姓痛癢相關呼吸相應者惟
州縣貳參守令而已守令非人卽責以三者之法非格而
不行則婪而多事矣非多用甲科不可明經乙榜豈乏賢
能大都資定則委頓自徇望輕則振勵之難若夫甲科以
其風力振剔則可膽落豺狐以其仁明拊循則真民之父
母興壹利則竟興矣除壹害則竟除矣然激揚無術磨勵

不神

皇上責成撫按遴訪循良卓異之尤民譽蒸騰者具實奏

聞歲取數人徑優以銓垣之席而無狀不肖之尤者仍置嚴典

以彰勸懲民生吏治有不於變時雍者哉伏乞

聖明採擇急

勅部議題覆施行

崇禎陸年正月拾玖日

貳拾貳日奉

聖旨本內徵收詞訟二款著該部看議具覆餘俱有旨了